

# ORTOGONALNI POLINOMI I RAZVIJANJE PROIZVOLJNE FUNKCIJE U RED PREKO ORTOGONALNIH POLINOMA

## Sažetak

*U ovom radu pojmu ortogonalnosti pristupamo preko definicije iz matematičke analize, i uopšte ne spominjemo geometrijsko značenje ortogonalnosti i ostavljamo ga negdje u pozadini. Značenje ortogonalnost prihvatamo na isti način kao što smo prihvatili značenje sistema linearnih jednačina, ili kvadrat broja, bez obaveze da geometrijski predstavimo te figure a time i vizuelno prikažemo sebi date pojmove. Glavni dio rada je rezultat da se svaka kvadratno integrabilna funkcija  $f(x)$  na  $(a,b)$  može napisati u obliku reda  $\sum_{n=0}^{\infty} c_n p_n(x)$  gdje je skup  $\{p_0(x), p_1(x), \dots, p_n(x), \dots\}$  proizvoljan ortonormiran sistem polinoma u odnosu na težinsku funkciju  $\rho(x)$ .*

**Ključne riječi:** ortogonalni polinomi, razvijanje proizvoljne funkcije u red, težinska funkcija, Gram-Schmidtov proces ortogonalizacije,

## Summary

*In this work we accept the word orthogonal as a term of mathematical analysis, on the basis of its definition, with a geometric association only in the remote background or temporarily in abeyance. Recall that we have already learned to speak of a linear equation or the square of a number without feeling obliged to visualize a geometric figure in connection with every occurrence of the words. Main part of this work is result that every square summable (integrable) function  $f(x)$  defined on  $(a,b)$  we can write in the form of series  $\sum_{n=0}^{\infty} c_n p_n(x)$  where set  $\{p_0(x), p_1(x), \dots, p_n(x), \dots\}$  is arbitrary orthonormal system of polynomials with respect to an arbitrary weight function  $\rho(x)$ .*

**Keywords:** orthogonal polynomials, development of an arbitrary function in series, weight function, Gram-Schmidt process

# 1. Težinska funkcija

Posmatrajmo polinome  $H_n(x) = (-1)^n e^{x^2} \frac{d^n}{dx^n} e^{-x^2}$  za  $n = 0, 1, 2, \dots$  i pokažimo da je

$$\int_{-\infty}^{\infty} e^{-x^2} H_n(x) H_m(x) dx = 0 \quad \text{za } n \neq m.$$

Bez gubitka opštosti izračunaćemo integral za  $m > n$ . Imamo

$$\int_{-\infty}^{\infty} e^{-x^2} H_n(x) H_m(x) dx = (-1)^{m+n} \int_{-\infty}^{\infty} e^{x^2} \frac{d^n}{dx^n} e^{-x^2} \frac{d^m}{dx^m} e^{-x^2} dx.$$

Ako primijenimo parcijalnu integraciju sa smjenama

$$u = e^{x^2} \frac{d^n}{dx^n} e^{-x^2}, \quad dv = \frac{d^m}{dx^m} e^{-x^2} dx,$$

$$du = \frac{d}{dx} \left( e^{x^2} \frac{d^n}{dx^n} e^{-x^2} \right) dx, \quad v = \frac{d^{m-1}}{dx^{m-1}} e^{-x^2}$$

dobićemo

$$(-1)^{m+n} \int_{-\infty}^{\infty} e^{-x^2} H_n(x) H_m(x) dx = e^{x^2} \frac{d^n}{dx^n} e^{-x^2} \frac{d^{m-1}}{dx^{m-1}} e^{-x^2} \Big|_{-\infty}^{\infty} - \int_{-\infty}^{\infty} \frac{d}{dx} \left( e^{x^2} \frac{d^n}{dx^n} e^{-x^2} \right) \frac{d^{m-1}}{dx^{m-1}} e^{-x^2} dx.$$

Sad primijetimo da je

$$\frac{d}{dx} e^{-x^2} = e^{-x^2} (-2x),$$

$$\frac{d^2}{dx^2} e^{-x^2} = e^{-x^2} (-2x)(-2x) + e^{-x^2} (-2) = e^{-x^2} (4x^2 - 2),$$

$$\frac{d^3}{dx^3} e^{-x^2} = e^{-x^2} (-2x)(4x^2 - 2) + e^{-x^2} (8x) = e^{-x^2} ((-2x)^3 + 12x),$$

...

$$\frac{d^n}{dx^n} e^{-x^2} = e^{-x^2} ((-2x)^n + \dots)$$

pa imamo

$$e^{x^2} \frac{d^n}{dx^n} e^{-x^2} \frac{d^{m-1}}{dx^{m-1}} e^{-x^2} \Big|_{-\infty}^{\infty} = e^{x^2} e^{-x^2} ((-2x)^n + \dots) e^{-x^2} ((-2x)^{m-1} + \dots) \Big|_{-\infty}^{\infty} = 0$$

zato što za svaki fiksirani  $k \in \mathbb{N}$  vrijedi

$$x^k e^{-x^2} \rightarrow 0 \quad \text{kad } x \rightarrow \infty.$$

Prema tome

$$(-1)^{m+n} \int_{-\infty}^{\infty} e^{-x^2} H_n(x) H_m(x) dx = - \int_{-\infty}^{\infty} \frac{d}{dx} \left( e^{x^2} \frac{d^n}{dx^n} e^{-x^2} \right) \frac{d^{m-1}}{dx^{m-1}} e^{-x^2} dx.$$

Ako parcijalnu integraciju ponovimo još  $n-1$  puta dobićemo

$$(-1)^{m+n} \int_{-\infty}^{\infty} e^{-x^2} H_n(x) H_m(x) dx = (-1)^n \int_{-\infty}^{\infty} \frac{d^n}{dx^n} \left( e^{x^2} \frac{d^n}{dx^n} e^{-x^2} \right) \frac{d^{m-n}}{dx^{m-n}} e^{-x^2} dx.$$

Sad primijetimo da je

$$\frac{d^n}{dx^n} \left( e^{x^2} \frac{d^n}{dx^n} e^{-x^2} \right) = \frac{d^n}{dx^n} ((-2x)^n + \dots) = (-1)^n 2^n n!,$$

iz čega slijedi

$$(-1)^{m+n} \int_{-\infty}^{\infty} e^{-x^2} H_n(x) H_m(x) dx = (-1)^n (-1)^m 2^n n! \int_{-\infty}^{\infty} \frac{d^{m-n}}{dx^{m-n}} e^{-x^2} dx = 2^n n! \left( \frac{d^{m-n-1}}{dx^{m-n-1}} e^{-x^2} \right) \Big|_{-\infty}^{\infty} = 0.$$

Možemo zaključiti

$$\int_{-\infty}^{\infty} e^{-x^2} H_n(x) H_m(x) dx = 0$$

ako je  $m \neq n$ . Ovu relaciju možemo opisati tako što ćemo reći da su funkcije  $(e^{-x^2})^{1/2} H_n(x)$ ,  $(e^{-x^2})^{1/2} H_m(x)$  međusobno ortogonalne na intervalu  $(-\infty, \infty)$ . Istu relaciju možemo opisati i na drugi način, koji je mnogo važniji za tekst koji slijedi, tako što ćemo reći da su polinomi  $H_n(x)$ ,  $H_m(x)$  međusobno ortogonalni na intervalu  $(-\infty, \infty)$  u odnosu na težinsku funkciju  $e^{-x^2}$ . Koncept sistema ortogonalnih polinoma u odnosu na težinsku funkciju će biti dominantan od sad pa nadalje. Formalizujemo prethodno napisano:

### (1.01) Definicija (ortogonalnost u odnosu na težinsku funkciju)

Za dvije funkcije  $f_1(x)$  i  $f_2(x)$  kažemo da su međusobno ortogonalne na intervalu  $(a, b)$  u odnosu na težinsku funkciju  $\rho(x)$  ako i samo ako

$$\int_a^b \rho(x) f_1(x) f_2(x) dx = 0 \quad \diamond$$

### (1.02) Problem

Pokazati da su polinomi

$$H_n(x) = (-1)^n e^{x^2} \frac{d^n}{dx^n} e^{-x^2}$$

međusobno ortogonalni na intervalu  $(-\infty, \infty)$  u odnosu na težinsku funkciju  $e^{-x^2}$  za  $n = 0, 1, 2, \dots$   $\diamond$

Sljedeće što želimo pokazati je da se funkcija  $\cos m\theta$ , za proizvoljno  $m \in \mathbb{N}_0$ , može izraziti kao polinom  $C_m$  stepena  $m$  po promjenljivoj  $\cos\theta$ , a poslije toga želimo pokazati da za takve polinome vrijedi sljedeća jednakost:

$$\int_{-1}^1 (1-x^2)^{-1/2} C_m(x) C_k(x) dx = 0$$

Primjenom adicijonih teorema na izraze  $\cos((n+1)\theta)$  i  $\cos((n-1)\theta)$  dobijamo

$$\cos((n+1)\theta) = \cos(n\theta + \theta) = \cos n\theta \cos\theta - \sin n\theta \sin\theta,$$

$$\cos((n-1)\theta) = \cos(n\theta - \theta) = \cos n\theta \cos\theta + \sin n\theta \sin\theta.$$

Sabiranjem zadnje dvije jednakosti i premještanjem elemenata, imamo

$$\cos((n+1)\theta) = 2\cos n\theta \cos\theta - \cos((n-1)\theta).$$

Ova jednakost će nam pomoći, da pomoću matematičke indukcije pokažemo sljedeću tvrdnju: Za svaki fiksirani ne-negativni cijeli broj  $n$ , postoje cijeli  $c_{ni}$ ,  $i = 0, 1, 2, \dots, n$ , takvi da

$$\cos n\theta = \sum_{i=0}^n c_{ni} \cos^i(\theta).$$

### BAZA INDUKCIJE

Za  $n = 0$  imamo  $\cos 0\theta = 1 = 1 \cdot \cos^0(\theta)$ . Prema tome  $c_{00} = 1$ . Za  $n = 1$  imamo  $\cos 1\theta = \cos \theta = 1 \cdot \cos^1(\theta)$ . Prema tome  $c_{10} = 0$ ,  $c_{11} = 1$ . Jednakost je tačna za  $n = 0$  i  $n = 1$ .

### KORAK INDUKCIJE

Pretpostavimo da je jednakost tačna za sve  $k = 1, 2, \dots, n$  tj. pretpostavimo da za svaki fiksiran cijeli  $k$  ( $1 \leq k \leq n$ ) postoje cijeli brojevi  $c_{ki}$ ,  $i = 0, 1, 2, \dots, k$ , takvi da

$$\cos k\theta = \sum_{i=0}^k c_{ki} \cos^i(\theta),$$

i na osnovu ove pretpostavke pokažimo da je jednakost tačna za  $n + 1$ . Imamo:

$$\begin{aligned} \cos((n+1)\theta) &= 2\cos n\theta \cos \theta - \overset{\substack{\text{na osnovu} \\ \text{pretpostavke}}}{\cos((n-1)\theta)} = \\ &= 2 \left( \sum_{i=0}^n c_{ni} \cos^i(\theta) \right) \cos \theta - \sum_{i=0}^{n-1} c_{n-1,i} \cos^i(\theta) \\ &= \sum_{i=0}^n 2c_{ni} \cos^{i+1}(\theta) - \sum_{i=0}^{n-1} c_{n-1,i} \cos^i(\theta) \end{aligned}$$

iz čega možemo vidjeti da postoje cijeli brojevi  $c_{n+1,i}$ ,  $i = 0, 1, 2, \dots, n + 1$ , takvi da

$$\cos(n+1)\theta = \sum_{i=0}^{n+1} c_{n+1,i} \cos^i(\theta).$$

Možemo zaključiti da je jednakost tačna za svaki  $n \in N_0$ . Drugim riječima funkcija  $\cos n\theta$ , za proizvoljno  $n \in N_0$ , može izraziti kao polinom  $C_n$  stepena  $n$  po promjenljivoj  $\cos \theta$ .

Za  $m \neq k$  izračunajmo integral  $\int_0^\pi \cos m\theta \cos k\theta d\theta$ :

$$\begin{aligned} \int_0^\pi \cos m\theta \cos k\theta d\theta &= \int_0^\pi \left( \frac{1}{2} \cos(m-k)\theta + \frac{1}{2} \cos(m+k)\theta \right) d\theta = \\ &= \frac{1}{2} \int_0^\pi \cos(m-k)\theta d\theta + \frac{1}{2} \int_0^\pi \cos(m+k)\theta d\theta = \\ &= \frac{1}{2(m-k)} \sin(m-k)\theta \Big|_0^\pi + \frac{1}{2(m+k)} \sin(m+k)\theta \Big|_0^\pi = 0. \end{aligned}$$

U relaciji

$$\int_0^\pi \cos m\theta \cos k\theta d\theta = 0, \quad m \neq k$$

neka je  $x = \cos \theta$ . Tada je  $dx = -\sin \theta = -(1-x^2)^{1/2} d\theta$  tj.  $d\theta = -(1-x^2)^{-1/2} dx$ . Funkcija  $\cos m\theta$  se može izraziti kao polinom stepena  $m$  po promjenljivoj  $\cos \theta$ :

$$\cos m\theta = C_m(\cos \theta) = C_m(x),$$

i slično imamo za  $\cos k\theta$ . Prema tome  $\int_0^\pi \cos m\theta \cos k\theta d\theta = 0$  postaje

$$\int_{-1}^1 (1-x^2)^{-1/2} C_m(x) C_k(x) dx = 0$$

Polinomi  $C_m(x)$ ,  $m = 0, 1, 2, \dots$ , su međusobno ortogonalni na intervalu  $[-1, 1]$  u odnosu na težinsku funkciju  $(1-x^2)^{-1/2}$ . Time smo dokazali Lemu 1.03 i riješili Problem 1.04.

### (1.03) Lema

Funkcija  $\cos m\theta$ , za proizvoljno  $m \in N_0$ , se može izraziti kao polinom  $C_m$  stepena  $m$  po promjenljivoj  $\cos\theta$ . ◇

### (1.04) Problem

Pokazati da su polinomi  $C_m$  iz Leme 1.03 međusobno ortogonalni na intervalu  $(-1, 1)$  u odnosu na težinsku funkciju  $(1-x^2)^{-1/2}$ . ◇

Skoro na isti način (kao u tekstu iznad), može se pokazati sljedeće: Funkcija  $\sin(m+1)\theta$  zadovoljava jednakost

$$\sin(m+1)\theta = \sin\theta S_m(\cos\theta),$$

gdje je  $S_m$  polinom stepena  $m$  po promjenljivoj  $\cos\theta$ . Relacija

$$\int_0^\pi \sin(m+1)\theta \sin(k+1)\theta d\theta = 0, \quad m \neq k,$$

je ekvivalentna sa

$$\int_{-1}^1 (1-x^2)^{1/2} S_m(x) S_k(x) dx = 0$$

Polinomi  $S_m(x)$  su međusobno ortogonalni na intervalu  $[-1, 1]$  u odnosu na težinsku funkciju  $(1-x^2)^{1/2}$ .

Na kraju posmatrajmo polinome definisane sa

$$P_0(x) = 1,$$

$$P_n(x) = \frac{1}{2^n n!} \frac{d^n}{dx^n} (x^2 - 1)^n, \quad n = 1, 2, 3, \dots$$

Pokažimo da za ove polinome vrijedi

$$\int_{-1}^1 P_n(x) P_m(x) dx = 0, \quad \text{za } n \neq m.$$

Zbog pogodnosti pišemo  $(x^2 - 1)^n = p_n(x)$ , tako da je

$$\int_{-1}^1 P_n(x) x^m dx = \frac{1}{2^n n!} \int_{-1}^1 p_n(x) x^m dx.$$

Ovaj integral ćemo izračunati za  $m < n$  pomoću rekurzije. Prvo primjetimo da

$$p_n^{(k)}(x) = 0 \quad \text{za } x = \pm 1 \text{ i } k = 0, 1, 2, \dots, n-1.$$

Potom parcijalnom integracijom, sa smjenama

$$\begin{aligned} u &= x^m, & dv &= p_n^{(n)}(x) dx \\ du &= mx^{m-1} dx, & v &= p_n^{(n-1)}(x) \end{aligned}$$

dobijamo

$$\int_{-1}^1 p_n(x)x^m dx = -m \int_{-1}^1 p_n^{(n-1)}(x)x^{m-1} dx.$$

Ponavljajući još parcijalnu integraciju  $m-1$  puta, dolazimo do

$$(-1)^m m! \int_{-1}^1 p_n^{(n-m)}(x) dx = (-1)^m m! [p_n^{(n-m-1)}(x)]_{-1}^1 = 0 \quad (m < n).$$

Prema tome,

$$\int_{-1}^1 P_n(x)x^m dx = 0, \quad \text{za } m < n.$$

Kako je  $P_m$  polinom stepena  $m$ , slijedi da

$$\int_{-1}^1 P_n(x)P_m(x) dx = 0, \quad \text{za } n \neq m.$$

Polinomi  $P_n(x)$  su međusobno ortogonalni na intervalu  $[-1,1]$  u odnosu na težinsku funkciju 1. U tekstu iznad smo pokazali rješenje Problema 1.05:

### (1.05) Problem

*Pokazati da su polinomi definisani sa*

$$P_0(x) = 1,$$

$$P_n(x) = \frac{1}{2^n n!} \frac{d^n}{dx^n} (x^2 - 1)^n, \quad n = 1, 2, 3, \dots$$

*međusobno ortogonalni na intervalu  $(-1,1)$  u odnosu na težinsku funkciju 1.* ◇

**Napomena:** Polinomi  $H_n(x)$  se zovu Hermitovi polinomi reda  $n$ . Ovi polinomi se mogu dobiti kao rješenja Hermit-ove diferencijalne jednačine reda  $n$

$$y'' - 2xy' + 2ny = 0.$$

Prvih šest Hermitovih polinoma su

$$H_0(x) = 1,$$

$$H_1(x) = 2x,$$

$$H_2(x) = 4x^2 - 2,$$

$$H_3(x) = 8x^3 - 12x,$$

$$H_4(x) = 16x^4 - 48x^2 + 12,$$

$$H_5(x) = 32x^5 - 160x^3 + 120x.$$

Polinomi  $C_m(x)$  i  $S_m(x)$  zovu se trigonometrički polinomi ili Chebichef-ovi polinomi prve i druge vrste reda  $n$ . Ovi polinomi se mogu dobiti kao rješenja Chebichef-ove diferencijalne jednačine reda  $n$

$$(1-x^2)y'' - xy' + n^2y = 0.$$

Chebichef-ovi polinomi se također, mnogo opštije, primjenjuje u sistemima ortogonalnih polinoma u odnosu na proizvoljnu težinsku funkciju. Prvih šest Chebichef-ovi polinomi prve vrste izraženih preko stepena promjenjive  $x$  su:

$$C_0(x) = 1,$$

$$C_1(x) = x,$$

$$C_2(x) = 2x^2 - 1,$$

$$C_3(x) = 4x^3 - 3x,$$

$$C_4(x) = 8x^4 - 8x^2 + 1,$$

$$C_5(x) = 16x^5 - 20x^3 + 5x.$$

Polinomi  $P_n(x)$  se zovu Legendre-ovi polinomi reda  $n$ . Ovi polinomi se dobiju kao rješenja Legendre-ove diferencijalne jednačine reda  $n$

$$(1-x^2)y'' - 2xy' + n(n+1)y = 0.$$

Prvih šest Legendre-ovih polinoma su

$$P_0(x) = 1,$$

$$P_1(x) = x,$$

$$P_2(x) = \frac{1}{2}(3x^2 - 1),$$

$$P_3(x) = \frac{1}{2}(5x^3 - 3x),$$

$$P_4(x) = \frac{1}{8}(35x^4 - 30x^2 + 3),$$

$$P_5(x) = \frac{1}{8}(63x^5 - 70x^3 + 15x).$$

## 2. Gram-Schmidt-ov proces ortonormalizacije

Neka je  $\phi_0(x), \phi_1(x), \phi_2(x), \dots$  proizvoljan niz funkcija na intervalu  $(a, b)$ , takav da su sve funkcije u nizu integrabilne i linearno nezavisne. U tekstu koji slijedi, interval  $(a, b)$  se može zamjeniti beskonačnim intervalom  $(a, \infty)$  ili sa intervalom  $(-\infty, \infty)$ , ali pod uslovom da svi integrali koji se posmatraju postoje. Pretpostavićemo da je svaka linearna kombinacija  $\psi = \alpha_0\phi_0 + \dots + \alpha_m\phi_m$ , konačnog broja  $\phi$ -jeva sa konstantnim koeficijentima  $\alpha_0, \dots, \alpha_m$  ne svi nula, različita od nule na skupu tački koje su dovoljne da naprave određen integral od  $\psi^2$ , nad posmatranim intervalom, različit od nule.

U tekstu koji slijedi simboli  $\|\phi_0\|, \|G_1\|, \dots, \|G_n\|$  predstavljaju realne brojeve, kao i simboli  $\langle \phi_i, g_j \rangle$ , za  $i, j = 1, 2, \dots, n$ . Neka je

$$d_0 = \|\phi_0\|^2 = \int_a^b [\phi_0(x)]^2 dx,$$

$$g_0(x) = \frac{\phi_0(x)}{d_0^{1/2}} = \frac{\phi_0(x)}{\|\phi_0\|},$$

tako da je  $\int_a^b [g_0(x)]^2 dx = 1$ . Neka je

$$c_{10} = \langle \phi_1, g_0 \rangle = \int_a^b \phi_1(x) g_0(x) dx,$$

$$G_1(x) = \phi_1(x) - c_{10} g_0(x) = \phi_1(x) - \langle \phi_1, g_0 \rangle g_0(x),$$

$$d_1 = \|G_1\|^2 = \int_a^b [G_1(x)]^2 dx,$$

$$g_1(x) = \frac{G_1(x)}{d_1^{1/2}} = \frac{G_1(x)}{\|G_1\|}.$$

Tada je

$$\int_a^b G_1(x) g_0(x) dx = \int_a^b (\phi_1(x) - \langle \phi_1, g_0 \rangle g_0(x)) g_0(x) dx = 0$$

$$\int_a^b g_1(x)g_0(x)dx = \int_a^b \frac{G_1(x)}{\|G_1\|} g_0(x)dx = \frac{1}{\|G_1\|} \int_a^b G_1(x)g_0(x)dx = 0 ,$$

$$\int_a^b [g_1(x)]^2 dx = 1.$$

U opštem slučaju neka su funkcije  $g_2(x)$ ,  $g_3(x)$ , ... definisane uzastopno sa relacijama

$$c_{nk} = \langle \phi_n, g_k \rangle = \int_a^b \phi_n(x)g_k(x)dx,$$

$$G_n(x) = \phi_n(x) - \sum_{k=0}^{n-1} c_{nk}g_k(x) = \phi_n(x) - \sum_{k=0}^{n-1} \langle \phi_n, g_k \rangle g_k(x),$$

$$d_n = \|G_n\|^2 = \int_a^b [G_n(x)]^2 dx,$$

$$g_n(x) = \frac{G_n(x)}{d_n^{1/2}} = \frac{G_n(x)}{\|G_n\|}.$$

Matematičkom indukcijom nije teško pokazati da je svaka od funkcija  $g_n(x)$  ortogonalna na  $g_0(x)$ , ...,  $g_{n-1}(x)$

$$\begin{aligned} \int_a^b g_n(x)g_m(x)dx &= \int_a^b \frac{G_n(x)}{\|G_n\|} g_m(x)dx = \frac{1}{\|G_n\|} \int_a^b G_n(x)g_m(x)dx = \\ &= \frac{1}{\|G_n\|} \int_a^b \left( \phi_n(x) - \sum_{k=0}^{n-1} \langle \phi_n, g_k \rangle g_k(x) \right) g_m(x)dx = \\ &= \frac{1}{\|G_n\|} \int_a^b \phi_n(x)g_m(x)dx - \frac{1}{\|G_n\|} \sum_{k=0}^{n-1} \langle \phi_n, g_k \rangle \int_a^b g_k(x)g_m(x)dx = \\ &= \frac{1}{\|G_n\|} \langle \phi_n, g_m \rangle - \frac{1}{\|G_n\|} \sum_{k=0}^{n-1} \langle \phi_n, g_k \rangle \int_a^b g_k(x)g_m(x)dx, \end{aligned}$$

i da je svaka od funkcija  $g_0(x)$ , ...,  $g_n(x)$  normalizovana, tj. imaju vrjednost 1 kao integral njihovih kvadrata nad intervalom  $(a, b)$ . Kako je relacija ortogonalnosti simetrična, isto tako možemo reći da su proizvoljne dvije funkcije  $g_i$ ,  $g_j$  međusobno ortogonalne, za  $i \neq j$ . Činjenica da su  $g$ -ovi oboje, i međusobno ortogonalne i normalizovane, se sumira u jednu riječ, koju zovemo ortonormirane funkcije.

Ako kao  $\phi$ -ove uzmemo konkretno funkcije  $1$ ,  $x$ ,  $x^2$  i  $x^3$ , na intervalu  $(-1, 1)$  tada kao odgovarajuće  $g$ -ove ćemo dobiti  $\frac{1}{\sqrt{2}}$ ,  $\frac{\sqrt{3}}{2}x$ ,  $\frac{1}{2}\sqrt{\frac{5}{2}}(3x^2 - 1)$  i  $\frac{1}{2}\sqrt{\frac{7}{2}}(5x^3 - 3x)$ . Pokažimo ovo.

$$d_0 = \|\phi_0\|^2 = \|1\|^2 = \int_{-1}^1 1^2 dx = 2,$$

$$g_0(x) = \frac{\phi_0(x)}{d_0^{1/2}} = \frac{1}{\sqrt{2}},$$

tako da je  $\int_{-1}^1 [g_0(x)]^2 dx = 1$ . Dalje

$$c_{10} = \langle x, g_0 \rangle = \int_{-1}^1 x \frac{1}{\sqrt{2}} dx = 0,$$

$$G_1(x) = \phi_1(x) - c_{10}g_0(x) = x - 0 \cdot g_0(x) = x,$$

$$d_1 = \|x\|^2 = \int_{-1}^1 x^2 dx = \frac{2}{3},$$



$$g_1(x) = \sqrt{\frac{3}{2}}x,$$

tako da je  $\int_{-1}^1 g_1(x)g_0(x)dx = 0$   $\int_{-1}^1 [g_1(x)]^2 dx = 1$ . Dalje

$$c_{20} = \langle x^2, g_0 \rangle = \int_{-1}^1 x^2 \frac{1}{\sqrt{2}} dx = \frac{\sqrt{2}}{3},$$

$$c_{21} = \langle x^2, g_1 \rangle = \int_{-1}^1 x^2 \sqrt{\frac{3}{2}} x dx = 0,$$

$$G_2(x) = x^2 - c_{20}g_0(x) - c_{21}g_1(x) = x^2 - \frac{1}{3},$$

$$d_2 = \|x^2 - \frac{1}{3}\|^2 = \int_{-1}^1 \left(x^2 - \frac{1}{3}\right)^2 dx = \frac{8}{45},$$

$$g_2(x) = \sqrt{\frac{45}{8}} \left(x^2 - \frac{1}{3}\right) = \frac{1}{2} \sqrt{\frac{5}{2}} (3x^2 - 1),$$

tako da je  $\int_{-1}^1 g_2(x)g_0(x)dx = 0$   $\int_{-1}^1 g_2(x)g_1(x)dx = 0$   $\int_{-1}^1 [g_2(x)]^2 dx = 1$ . Na kraju

$$c_{30} = \langle x^3, g_0 \rangle = \int_{-1}^1 x^3 \frac{1}{\sqrt{2}} dx = 0,$$

$$c_{31} = \langle x^3, g_1 \rangle = \int_{-1}^1 x^3 \sqrt{\frac{3}{2}} x dx = \frac{\sqrt{6}}{5},$$

$$c_{32} = \langle x^3, g_2 \rangle = \int_{-1}^1 x^3 \frac{1}{2} \sqrt{\frac{5}{2}} (3x^2 - 1) dx = 0,$$

$$G_3(x) = x^3 - c_{30}g_0(x) - c_{31}g_1(x) - c_{32}g_2(x) = x^3 - \frac{\sqrt{6}}{5} \sqrt{\frac{3}{2}} x = x^3 - \frac{3}{5}x,$$

$$d_3 = \|x^3 - \frac{3}{5}x\|^2 = \int_{-1}^1 \left(x^3 - \frac{3}{5}x\right)^2 dx = \frac{8}{175},$$

$$g_3(x) = \sqrt{\frac{175}{8}} \left(x^3 - \frac{3}{5}x\right) = \frac{1}{2} \sqrt{\frac{7}{2}} (5x^3 - 3x),$$

tako da je  $\int_{-1}^1 g_3(x)g_0(x)dx = 0$   $\int_{-1}^1 g_3(x)g_1(x)dx = 0$   $\int_{-1}^1 g_3(x)g_2(x)dx = 0$   $\int_{-1}^1 [g_3(x)]^2 dx = 1$ .

Primijetimo da su dobijeni polinomi  $\frac{1}{\sqrt{2}}$ ,  $\sqrt{\frac{3}{2}}x$ ,  $\frac{1}{2}\sqrt{\frac{5}{2}}(3x^2 - 1)$  i  $\frac{1}{2}\sqrt{\frac{7}{2}}(5x^3 - 3x)$  u stvari prva četiri normirana Legendre-ova polinoma.

Opisana procedura za konstrukciju ortogonalnog sistema iz proizvoljnog datog skupa funkcija je poznata pod imenom Gram-Schmidt-ov proces ortogonalizacije. Formalizujmo prethodno napisani tekst:

### (2.01) Teorema (Gram-Schmidt-ova postupak ortogonalizacije)

Neka je  $\phi_0(x)$ ,  $\phi_1(x)$ ,  $\phi_2(x)$ , ...  $\phi_n(x)$  proizvoljan niz funkcija na intervalu  $(a, b)$ , takav da su sve funkcije iz niza integrabilne na  $(a, b)$  i linearno nezavisne. Tada je Gram-Schmidt-ov niz definisan sa

$$g_0(x) = \frac{\phi_0(x)}{\int_a^b [\phi_0(x)]^2 dx},$$

$$g_k(x) = \frac{\phi_k(x) - \sum_{i=0}^{k-1} \left( \int_a^b \phi_k(x) g_i(x) dx \right) g_i(x)}{\int_a^b \left[ \phi_k(x) - \sum_{i=0}^{k-1} \left( \int_a^b \phi_k(x) g_i(x) dx \right) g_i(x) \right]^2 dx} \quad \text{za } k = 1, 2, 3, \dots, n$$

ortonormiran niz. ◇

## (2.02) Vježba

Primjenom Gram-Schmidtoveg postupka ortogonalizacije konstruisati ortonormiran sistem polazeći od skupa funkcija  $\{1, x, x^2, x^3\}$ , koristeći interval  $(-1, 1)$ . ◇

Funkcija  $g_n$  je u stvari linearna kombinacija od  $\phi_0, \dots, \phi_n$  (pod frazom linearna kombinacija će se uvijek podrazumjevati linearna kombinacija sa konstantnim koeficijentima)

$$g_0(x) = \frac{1}{\sqrt{d_0}} \phi_0(x),$$

$$g_1(x) = \frac{1}{\sqrt{d_1}} G_1(x) = \frac{1}{\sqrt{d_1}} \phi_1(x) - \frac{c_{10}}{\sqrt{d_1}} g_0(x),$$

$$g_2(x) = \frac{1}{\sqrt{d_2}} G_2(x) = \frac{1}{\sqrt{d_2}} \phi_2(x) - \frac{c_{20}}{\sqrt{d_2}} g_0(x) - \frac{c_{21}}{\sqrt{d_2}} g_1(x),$$

...

$$g_n(x) = \frac{1}{\sqrt{d_n}} G_n(x) = \frac{1}{\sqrt{d_n}} \phi_n(x) - \frac{c_{n0}}{\sqrt{d_n}} g_0(x) - \frac{c_{n1}}{\sqrt{d_n}} g_1(x) - \dots - \frac{c_{n,n-1}}{\sqrt{d_n}} g_{n-1}(x),$$

i obrnuto, s obzirom da su koeficijenti uz  $\phi_n$  u izrazu za  $g_n$ , u svim slučajima različiti od nule, relaciska veza  $\phi$ -eva sa  $g$ -ovima se može uspješno riješiti, svaki  $\phi_n$  je linearna kombinacija od  $g_0, \dots, g_n$ . Pokažimo ovo zadnje.

Već smo primjetili da je svaki  $g_n(x)$  linearna kombinacija od  $\phi_0(x), \phi_1(x), \dots, \phi_n(x)$ . Drugim riječima za svaki  $g_n(x)$  postoje koeficijenti  $a_{ni} \in R$ , ( $i = 0, 1, \dots, n$ ) takvi da

$$g_n(x) = a_{n0} \phi_0(x) + a_{n1} \phi_1(x) + \dots + a_{nn} \phi_n(x),$$

tj. ako posmatramo funkcije  $g_0(x), g_1(x), \dots, g_n(x)$  imamo

$$g_0(x) = a_{00} \phi_0(x),$$

$$g_1(x) = a_{10} \phi_0(x) + a_{11} \phi_1(x),$$

$$g_2(x) = a_{20} \phi_0(x) + a_{21} \phi_1(x) + a_{22} \phi_2(x)$$

...

$$g_n(x) = a_{n0} \phi_0(x) + a_{n1} \phi_1(x) + \dots + a_{nn} \phi_n(x).$$

Jednakosti iznad možemo napisati u matičnom obliku

$$\begin{bmatrix} g_0(x) \\ g_1(x) \\ g_2(x) \\ \vdots \\ g_n(x) \end{bmatrix} = \underbrace{\begin{bmatrix} a_{00} & 0 & 0 & \dots & 0 \\ a_{10} & a_{11} & 0 & \dots & 0 \\ a_{20} & a_{21} & a_{22} & \dots & 0 \\ \vdots & \vdots & \vdots & & \vdots \\ a_{n0} & a_{n1} & a_{n2} & \dots & a_{nn} \end{bmatrix}}_{=A} \begin{bmatrix} \phi_0(x) \\ \phi_1(x) \\ \phi_2(x) \\ \vdots \\ \phi_n(x) \end{bmatrix}.$$

Ako napisanu gornje-trougonaonu matricu označimo sa  $A$ , kako je  $a_{ii}$  različit od nule za svaki  $i = 0, 1, 2, \dots, n$ , matrica  $A$  je nesingularna, pa dati sistem ima jedinstveno rješenje. Matrica koja je inverzna gornje-trougonoj matrici mora biti gornje-trougona. Prema tome svaki  $\phi_n$  se može napisati kao linearna kombinacija od  $g_0, g_1, \dots, g_n$ . Iz ovoga slijedi da je  $g_n$  ortogonalan na svaku linearnu kombinaciju od  $\phi_0, \dots, \phi_{n-1}$ . Time smo dokazali sljedeće dvije leme:

### (2.03) Lema

Neka su  $\phi_0, \dots, \phi_n, g_0, \dots, g_n$ , funkcije iz Teoreme 2.01. Tada svaka funkcija  $g_k, k = 0, 1, \dots, n$ , se može napisati kao linearna kombinacija od  $\phi_0, \dots, \phi_k$ , i obrnuto, svaka funkcija  $\phi_k, k = 0, 1, \dots, n$ , se može napisati kao linearna kombinacija od  $g_0, \dots, g_k$ .  $\diamond$

### (2.04) Lema

Neka su  $\phi_0, \dots, \phi_n, g_0, \dots, g_n$ , funkcije iz Teoreme 2.01. Tada je funkcija  $g_k, k = 0, 1, \dots, n$ , ortogonalna na svaku linearnu kombinaciju od  $\phi_0, \dots, \phi_{k-1}$ .  $\diamond$

Ako je  $\gamma(x)$  neka linearna kombinacija od  $\phi_0, \dots, \phi_n$  koja je ortogonalna na svaku od funkcija  $\phi_0, \dots, \phi_{n-1}$ , ona mora biti konstanta pomnožena sa  $g_n(x)$ . Ovo možemo vidjeti iz procesa konstrukcije  $g_n(x) = G_n(x)/d_n^{1/2}$ , gdje su  $c_{10}$  i ostali koeficijenti niza  $c_{nk}$  u funkcijama  $G_n(x)$  jedinstveno određeni zbog zahtjeva ortogonalnosti u svakom koraku, a koeficijenti uz  $\phi_n(x)$  su jedinice

$(G_n(x) = \phi_n - \sum_{k=0}^{n-1} c_{nk} g_k)$ . Iako osobina ortogonalnosti sama po sebi dozvoljava množenje čitavog izraza

$G_n(x)$  sa proizvoljnim konstantnim faktorom, da je  $\gamma(x)$  konstanta pomnožena sa  $g_n(x)$  možemo pokazati i na sljedeći način. Ako su  $a_n > 0$  i  $a_n'$  koeficijenti uz  $\phi_n$  u  $g_n$  i  $\gamma$ -i redom

$$\begin{aligned} g_n(x) &= a_n \phi_n(x) + \dots + a_0 \phi_0(x), \\ \gamma(x) &= a_n' \phi_n(x) + \dots + a_0' \phi_0(x), \end{aligned}$$

izraz  $\gamma - \frac{a_n'}{a_n} g_n$  ne sadrži  $\phi_n$ ; i on je linearna kombinacija od  $\phi_0, \dots, \phi_{n-1}$  koji je ortogonalan na svaku od ovih funkcija (kako je  $\gamma$  ortogonalna na svaku od  $\phi_0, \dots, \phi_{n-1}$  i kako je  $g_n$  ortogonalna na svaku od  $\phi_0, \dots, \phi_{n-1}$  slijedi da je i  $\gamma - \frac{a_n'}{a_n} g_n$  ortogonalna na svaku od  $\phi_0, \dots, \phi_{n-1}$ ), pa je ortogonalna i na sebe,

tj. integral njezinog kvadrata nad posmatranim intervalom je nula. Ovo znači da je  $\gamma - \frac{a_n'}{a_n} g_n = 0$ , pa

kako su  $\phi$ -jevi linearno nezavisni svi koeficijenti po kojima je ova funkcija izražena, preko članova od

$\phi_0, \dots, \phi_{n-1}$ , moraju biti nula. Dalje, ako je posmatrana  $\gamma$  normalizovana i vrijedi da je  $a'y_n \leq 0$ ,  $\gamma$  mora biti identički jednaka sa  $g_n$ . Time smo dokazali Lemu 2.05:

**(2.05) Lema**

Ako je  $\gamma(x)$  linearna kombinacija od  $\phi_0, \dots, \phi_n$  koja je ortogonalna na svaku od funkcija  $\phi_0, \dots, \phi_{n-1}$ , tada postoji konstanta  $\alpha \in R$  takva da  $\gamma(x) = \alpha g_n(x)$ , za svako  $x$ . ◇

### 3. Ortogonalni polinomi koji odgovaraju proizvoljnoj težinskoj funkciji

Neka je  $\rho(x)$  ne-negativna funkcija koja je integrabilna nad  $(a,b)$ , i koja ima osobinu da je vrijednost određenog integrala  $\rho(x)$  nad  $(a,b)$  u stvari pozitivan. U većini važnih primjena  $\rho(x)$  će biti neprekidan i pozitivan kroz čitav interval, osim možda u krajnjim tačkama, gdje može nestati ili postati beskonačan. U slučaju beskonačnog intervala obično se pretpostavi da je proizvod  $\rho(x)$  sa proizvoljnim polinomom, integrabilan, nad posmatranim intervalom. Neka je proizvod  $[\rho(x)]^{1/2} x^k$ ,  $k = 0,1,2,\dots$  uzeta kao funkcija iz Teoreme 2.01. Odgovarajuće funkcije  $g_n(x)$ , koje su u stvari linearne kombinacije ovih (Lema 2.03), će biti oblika  $[\rho(x)]^{1/2} p_n(x)$ , gdje su  $p_n(x)$  polinomi stepena  $n$ . Izračunajmo prvih nekoliko polinoma.

$$d_0 = \|\phi_0\|^2 = \|\rho(x)^{1/2} x^0\|^2 = \int_a^b \rho(x) dx,$$

$$g_0(x) = \frac{[\rho(x)]^{1/2} x^0}{d_0^{1/2}} = \frac{1}{\sqrt{d_0}} [\rho(x)]^{1/2} = [\rho(x)]^{1/2} p_0(x),$$

gdje je  $p_0(x) = \frac{1}{\sqrt{d_0}}$ . Izračunajmo  $g_1(x)$

$$c_{10} = \langle \phi_1, g_0 \rangle = \int_a^b [\rho(x)]^{1/2} x^1 \frac{1}{\sqrt{d_0}} [\rho(x)]^{1/2} dx = \frac{1}{\sqrt{d_0}} \int_a^b \rho(x) x dx,$$

$$G_1(x) = \phi_1(x) - c_{10} g_0(x) = [\rho(x)]^{1/2} x^1 - c_{10} \frac{1}{\sqrt{d_0}} [\rho(x)]^{1/2} = [\rho(x)]^{1/2} \left( x - \frac{c_{10}}{\sqrt{d_0}} \right),$$

$$d_1 = \|G_1\|^2 = \int_a^b [G_1(x)]^2 dx,$$

$$g_1(x) = \frac{G_1(x)}{d_1^{1/2}} = [\rho(x)]^{1/2} \left( \frac{1}{\sqrt{d_1}} x - \frac{c_{10}}{\sqrt{d_1 d_0}} \right) = [\rho(x)]^{1/2} p_1(x),$$

gdje je  $p_1(x) = \frac{1}{\sqrt{d_1}} x - \frac{c_{10}}{\sqrt{d_1 d_0}}$ . Izračunajmo  $g_2(x)$

$$c_{20} = \langle \phi_2, g_0 \rangle = \int_a^b [\rho(x)]^{1/2} x^2 [\rho(x)]^{1/2} p_0(x) dx = \int_a^b \rho(x) x^2 p_0(x) dx,$$

$$c_{21} = \langle \phi_2, g_1 \rangle = \int_a^b [\rho(x)]^{1/2} x^2 [\rho(x)]^{1/2} p_1(x) dx = \int_a^b \rho(x) x^2 p_1(x) dx,$$

$$G_2(x) = \phi_2(x) - c_{20} g_0(x) - c_{21} g_1(x) = [\rho(x)]^{1/2} x^2 - c_{20} [\rho(x)]^{1/2} p_0(x) - c_{21} [\rho(x)]^{1/2} p_1(x) =$$

$$= [\rho(x)]^{1/2} \left( x^2 - c_{20} p_0(x) - c_{21} p_1(x) \right) = [\rho(x)]^{1/2} \left( x^2 - \frac{c_{20}}{\sqrt{d_0}} - \frac{c_{21}}{\sqrt{d_1}} x - \frac{c_{21}c_{10}}{\sqrt{d_1d_0}} \right),$$

$$d_2 = \|G_2\|^2 = \int_a^b [G_2(x)]^2 dx,$$

$$g_2(x) = \frac{G_2(x)}{d_2^{1/2}} = [\rho(x)]^{1/2} \left( \frac{1}{\sqrt{d_2}} x^2 - \frac{c_{21}}{\sqrt{d_2d_1}} x - \frac{c_{21}c_{10}}{\sqrt{d_2d_1d_0}} - \frac{c_{20}}{\sqrt{d_2d_0}} \right) = [\rho(x)]^{1/2} p_2(x),$$

gdje je  $p_2(x) = \frac{1}{\sqrt{d_2}} x^2 - \frac{c_{21}}{\sqrt{d_2d_1}} x - \frac{c_{21}c_{10}}{\sqrt{d_2d_1d_0}} - \frac{c_{20}}{\sqrt{d_2d_0}}$ . Ako pretpostavimo da su

$g_k(x) = [\rho(x)]^{1/2} p_k(x)$ ,  $k = 0, 1, \dots, n-1$ , funkcije dobijene Gram-Schmidtovim postupkom ortogonalizacije pomoću funkcija  $\phi_k(x) = [\rho(x)]^{1/2} x^k$ ,  $k = 0, 1, 2, \dots, n-1$ , gdje je svaki  $p_k(x)$  polinomi stepena  $k$ , tada za  $g_n(x)$  imamo

$$c_{nk} = \langle \phi_n, g_k \rangle = \int_a^b [\rho(x)]^{1/2} x^n [\rho(x)]^{1/2} p_k(x) dx = \int_a^b \rho(x) x^n p_k(x) dx,$$

$$G_n(x) = \phi_n(x) - \sum_{k=0}^{n-1} c_{nk} g_k(x) = [\rho(x)]^{1/2} x^n - \sum_{k=0}^{n-1} [\rho(x)]^{1/2} p_k(x) = [\rho(x)]^{1/2} \left( x^n - \sum_{k=0}^{n-1} p_k(x) \right)$$

$$d_n = \|G_n\|^2 = \int_a^b [G_n(x)]^2 dx,$$

$$g_n(x) = \frac{G_n(x)}{d_n^{1/2}} = [\rho(x)]^{1/2} \left( \frac{1}{\sqrt{d_n}} x^n - \frac{1}{\sqrt{d_n}} \sum_{k=0}^{n-1} p_k(x) \right).$$

Prema tome matematičkom indukcijom sad nije teško pokazati Teoremu 3.01.

### (3.01) Teorem

Neka je dat skup funkcija

$$\{[\rho(x)]^{1/2}, [\rho(x)]^{1/2} x, [\rho(x)]^{1/2} x^2, \dots, [\rho(x)]^{1/2} x^n, \dots\}$$

i neka je  $\rho(x)$  ne-negativna funkcija takva da integral proizvoda proizvoljnog polinoma sa  $\rho(x)$  nad intervalom  $(a, b)$  uvijek postoji. Tada Gram-Schmidtovim postupkom iz datog skupa funkcija možemo konstruisati ortonormiran sistem

$$\{[\rho(x)]^{1/2} p_0(x), [\rho(x)]^{1/2} p_1(x), [\rho(x)]^{1/2} p_2(x), \dots, [\rho(x)]^{1/2} p_n(x), \dots\}$$

gdje su  $p_k(x)$ ,  $k = 0, 1, 2, \dots, n, \dots$ , polinomi stepena  $k$ . ◇

Polinomi  $p_n(x)$  su normirani ortogonalni ili ortonormirani polinomi sa  $\rho(x)$  kao težinskom funkcijom. Oni zadovoljavaju uslove

$$\int_a^b \rho(x) p_m(x) p_n(x) dx = 0, m \neq n,$$

$$\int_a^b \rho(x) [p_n(x)]^2 dx = 1.$$

Svaki od polinoma je stepena prikazan kao njegov subskript, i koeficijent uz član  $x^n$  je pozitivan. Ove osobine potpuno određuju sistem polinoma  $p_n(x)$ .

Pokažimo da je proizvoljan ortogonalan sistem funkcija  $\{f_1(x), f_2(x), \dots, f_n(x)\}$  linearno nezavisan.

Pretpostavimo da je suma  $\sum_{k=1}^n \alpha_k f_k(x) = 0$  za neke  $\alpha_1, \dots, \alpha_n$ . Tada

$$0 = \sum_{k=1}^n \int_a^b \alpha_k f_k(x) dx = \sum_{k=1}^n \int_a^b \left( \sum_{i=1}^n \alpha_i f_i(x) \right) \alpha_k f_k(x) dx = \sum_{k=1}^n |\alpha_k|^2 \int_a^b [f_k(x)]^2 dx.$$

Ovo povlači da je  $\alpha_k = 0$  za svaki  $k = 1, 2, \dots, n$ . prema tome  $\{f_1(x), f_2(x), \dots, f_n(x)\}$  je linearno nezavisan skup. Time je dokazana Teorema 3.02.

### (3.02) Teorem

*Ortogonalni sistemi su linearno nezavisni.* ◇

Prema tome možemo zaključiti da je sistem

$$\{[\rho(x)]^{1/2} p_0(x), [\rho(x)]^{1/2} p_1(x), [\rho(x)]^{1/2} p_2(x), \dots, [\rho(x)]^{1/2} p_n(x)\}$$

linearno nezavisan, pa je i skup polinoma

$$\{p_0(x), p_1(x), p_2(x), \dots, p_n(x)\}$$

linearno nezavisan. Ili drugim riječima, svaki polinom  $n$ -tog stepena se može izraziti kao linearna kombinacija od  $p_0(x), \dots, p_n(x)$ . Svaki  $p_n(x)$  je ortogonalan na svaki polinom nižeg stepena u odnosu na težinsku funkciju  $\rho(x)$ , tj. ako je  $q(x)$  bilo koji takav polinom,

$$\int_a^b \rho(x) p_n(x) q(x) dx = 0$$

Ove činjenice su direktne posljedice opštih rezultata dobijenih u Lemama 2.03 i 2.04. U tekstu iznad smo pokazali sljedeće dvije tvrdnje:

### (3.03) Propozicija

*Neka su  $p_k(x)$ ,  $k = 0, 1, \dots, n$ , polinomi iz Teoreme 3.01. Tada se svaki polinom  $n$ -tog stepena može napisati kao linearna kombinacija od  $p_0(x), \dots, p_n(x)$ .* ◇

### (3.04) Posljedica

*Neka su  $p_k(x)$ ,  $k = 0, 1, \dots, n$ , polinomi iz Teoreme 3.01. Tada je svaki  $p_k(x)$  ortogonalan na proizvoljan polinom nižeg stepena, u odnosu na težinsku funkciju  $\rho(x)$ .* ◇

## 4. Razvijanje proizvoljne funkcije u red

Polinomi  $p_n(x)$  iz Teoreme 3.01 se mogu koristiti za formalno razlaganje proizvoljne funkcije u red. Formule su komplikovanije zbog prisustva težinske funkcije, ali su u drugu ruku, jednostavnije zbog činjenice da su  $p$ -ovi normalizovani. Želimo znati kada se proizvoljna funkcija  $f(x)$  može napisati u obliku reda

$$f(x) = c_0 p_0(x) + c_1 p_1(x) + \dots = \sum_{n=0}^{\infty} c_n p_n(x)$$

tj. kada se funkcija  $f(x)$  može razviti u red po ortogonalnim polinomima  $p_n(x)$ . Pretpostavimo da se  $f(x)$  može razviti u ovakav red i da su sljedeće operacije opravdane. Množenjem sa  $\rho(x) p_k(x)$  i integriranjem u granicama od  $a$  do  $b$  dobijemo

$$\int_a^b \rho(x) f(x) p_k(x) dx = \sum_{n=0}^{\infty} c_n \int_a^b \rho(x) p_k(x) p_n(x) dx$$

Zbog ortonormiranih osobina polinoma  $p_k(x)$ , svi integrali na desnoj strani jednaki su nuli, osim kada je  $k = n$ , i u tom slučaju  $\int_a^b \rho(x) p_k(x) p_k(x) dx = 1$  Prema tome

$$c_k = \int_a^b \rho(x) f(x) p_k(x) dx.$$

Koeficijenti  $c_n(x)$  se nazivaju Furijerovi koeficijeni koeficijenti funkcije  $f(x)$  u odnosu na ortonormirane polinome  $p_n(x)$  sa težinskom funkcijom  $\rho(x)$ . Red  $\sum_{n=0}^{\infty} c_n p_n(x)$ , gdje su  $c_n$  Furijeovi koeficijenti funkcije  $f(x)$  naziva se Furijeov red funkcije  $f(x)$ . Furijeovi koeficijenti postoje za svaku funkciju  $f(x)$  koja je kvadratno sumabilna na  $(a, b)$  sa težinskom funkcijom  $\rho(x)$ . Na osnovu nejednakosi Cauchy-Bunjakovskog

$$\left| \int_a^b f_1(x) f_2(x) dx \right| \leq \left( \int_a^b [f_1(x)]^2 dx \right)^{1/2} \left( \int_a^b [f_2(x)]^2 dx \right)^{1/2}$$

integral  $\int_a^b \rho(x) f(x) p_k(x) dx$  konvergira za ovakve funkcije. Dalje, za svaku ovakvu funkciju  $f(x)$  možemo napisati njen Fourierov red, ali bez daljeg ispitivanja ne znamo da li je red konvergira i ako konvergira da li mu je suma  $f(x)$ .

Ako je  $\sum_{n=0}^{\infty} c_n p_n(x)$  Furierov red funkcije  $f(x)$  (tj. ako su  $c_n = \int_a^b \rho(x) f(x) p_n(x) dx$ ) onda pišemo

$$f(x) \sim \sum_{n=0}^{\infty} c_n p_n(x).$$

Prethodni tekst možemo sumirati sljedećom teoremom:

#### (4.01) Teorema (Furierovo razlaganje u odnosu na ortogonalne polinome)

Neka je

$$\{[\rho(x)]^{1/2} p_0(x), [\rho(x)]^{1/2} p_1(x), [\rho(x)]^{1/2} p_2(x), \dots, [\rho(x)]^{1/2} p_n(x), \dots\}$$

ortonormirani sistem iz Teoreme 3.01. Tada se svaka kvadratno sumabilna funkcija  $f(x)$  na  $(a, b)$  može napisati u obliku

$$\sum_{n=0}^{\infty} c_n p_n(x).$$

Ovo zovemo Furijerovo razlaganje funkcije  $f(x)$  na intervalu  $(a, b)$  u odnosu na ortogonalne polinome i pišemo

$$f(x) \sim \sum_{n=0}^{\infty} c_n p_n(x).$$

Skalare

$$c_n = \int_a^b \rho(x) f(x) p_n(x) dx,$$

zovemo Furierovi koeficijenti funkcije  $f(x)$  u odnosu na ortogonalne polinome  $p_n(x)$  sa težinskom funkcijom  $\rho(x)$ . ◇

Neka  $s_n(x)$  označavaju parcijalnu sumu reda  $\sum_{k=0}^n c_k p_k(x)$  sve do člana  $n$ -tog stepena:

$$s_n(x) = c_0 p_0(x) + c_1 p_1(x) + \dots + c_n p_n(x).$$

Ako umjesto  $x$  uzmemo varijablu  $t$  u formuli za Furijerove koeficijenet  $c_k = \int_a^b \rho(t) f(t) p_k(t) dx$ , i

dobijeni izraz zamjenimo umjesto  $c$ -ova u prethodnu jednakost, dobićemo

$$s_n(x) = p_0(x) \int_a^b \rho(t) f(t) p_0(t) dx + \int_a^b p_1(x) \rho(t) f(t) p_1(t) dx + \dots + p_n(x) \int_a^b \rho(t) f(t) p_n(t) dx,$$

$$s_n(x) = \int_a^b \rho(t) f(t) [p_0(x) p_0(t) + p_1(x) p_1(t) + \dots + p_n(x) p_n(t)] dt$$

$$s_n(x) = \int_a^b \rho(t) f(t) K_n(x, t) dt,$$

gdje je

$$K_n(x, t) = K_n(t, x) = \sum_{k=0}^n p_k(t) p_k(x).$$

U stvari, ako je  $f(x)$  polinom  $n$ -tog ili nižeg stepena,  $f(x) = \pi_n(x)$ , iz prethodnog dijela je poznato

da postoji reprezentacija oblika  $f(x) = \sum_{n=0}^{\infty} c_n p_n(x)$  gdje je desna strana konačna suma umjesto

beskonačnog reda. Procedura za određivanje koeficijenata tada se primjenjuje uz pitanja konvergencije,

i koeficijenti su dati sa  $c_k = \int_a^b \rho(x) f(x) p_k(x) dx$ . U ovom slučaju  $s_n(x)$  je isti kao  $\pi_n(x)$ , i  $\pi_n(x)$  je identički proizveden pomoću formule

$$\pi_n(x) = \int_a^b \rho(t) \pi_n(t) K_n(x, t) dt.$$

Na primjer, posmatrajmo ortonormirane Lagendreove polinome koje smo dobili u Vježbi 2.02

$$P_0(x) = \frac{1}{\sqrt{2}},$$

$$P_1(x) = \sqrt{\frac{3}{2}} x,$$

$$P_2(x) = \frac{1}{2} \sqrt{\frac{5}{2}} (3x^2 - 1)$$

$$P_3(x) = \frac{1}{2} \sqrt{\frac{7}{2}} (5x^3 - 3x).$$

Ako razvijamo polinom  $p(x) = x^3 - 1$  preko  $P_0$ ,  $P_1$ ,  $P_2$  i  $P_3$  imamo

$$c_0 = \int_{-1}^1 (x^3 - 1) P_0(x) dx = -\sqrt{2},$$

$$c_1 = \int_{-1}^1 (x^3 - 1) P_1(x) dx = \frac{\sqrt{6}}{5},$$

$$c_2 = \int_{-1}^1 (x^3 - 1) P_2(x) dx = 0,$$

$$c_3 = \int_{-1}^1 (x^3 - 1) P_3(x) dx = \frac{2\sqrt{14}}{35}.$$

Prema tome

$$x^3 - 1 = -\sqrt{2} P_0(x) + \frac{\sqrt{6}}{5} P_1(x) + 0 P_2(x) + \frac{2\sqrt{14}}{35} P_3(x).$$

Time smo riješili Zadatak 4.02.



#### (4.02) Zadatak

Plinom  $p(x) = x^3 - 1$  napisati kao linearnu kombinaciju Legendreovih ortonormiranih polinoma

$$P_0(x) = \frac{1}{\sqrt{2}}, \quad P_1(x) = \sqrt{\frac{3}{2}}x, \quad P_2(x) = \frac{1}{2}\sqrt{\frac{5}{2}}(3x^2 - 1) \quad \text{i} \quad P_3(x) = \frac{1}{2}\sqrt{\frac{7}{2}}(5x^3 - 3x). \quad \diamond$$

#### Literatura

(navedena po abecednm redu)

- [1] T. M. Apostol: "*Mathematical Analysis*", second edition, China Machine Press, 2004., strana 104-121
- [2] L. Debnath, P. Mikusinski: "*Hilbert Spaces with Applications*", Elsevier Academic Press, 2005., strana 98-143
- [3] D. Jackson: "*Fourier series and orthogonal polynomials*", Third Impression, The Mathematical Association of America, 1948., strana 149-184
- [4] P. Junghanns: "*Lecture Notes from Orthogonal Polynomials*", Summer Term 2012, skinuto sa web stranice [www-user.tu-chemnitz.de/~peju/skripte/orthopol/OrthPoly\\_Engl.pdf](http://www-user.tu-chemnitz.de/~peju/skripte/orthopol/OrthPoly_Engl.pdf), strana 15-27
- [5] S. Kalabušić, M. Malenica: "*Specijalne funkcije (Teorija i zadaci)*", Prirodno-matematički fakultet, Univerzitet u Sarajevu, 2010., strana 309-349